

استدینا

نومرو ۹

بخشیه

۶ تشرین ثانی ۱۳۲۴

عهد عتیقه من برطاقم مأمورین و کتبه عادیه طرفلرندن بلا تأمل تحریر اولتیورمشد. شونلرک جهالتلرندن مملکتجه غایت مصر برصورتده استفاده اولنش در .

۳۱ نجی ماده دخی بی لزوم بر تکرار دن بشقه برشی دکدر. نته کیم بحثده بولندیغمز عهدنامه نك مواد خاتمه سندن اکلاشیله جقددر .

ابن الضیا

اجرا قانوننامه موقتی

قانونلریمزلک ایچنده وضوح معنی و صراحت احکام جهتیله ناقص بر قانون وار ایسه اوده اجرا قانونی سدر دینیه بیلور . شمدی یه قدر معاملات عدلیه ده لک زیاده ترده دوجار اولنش و هر یردن تفسیر احکامی استفسار ایدلمش وانجمن عدلیه طرفندن پک چوق تفسیراته اوغرامش قانون اجرا قانونی سدر. اجرا قانونی مختصر احکامی شامل بعض مادهلری نقصان و بعض مادهلریده احکام اساسیه ایله غیر قابل تألیف اولوب تطبیق ایدن محرومدر . از جمله مدیونک فرار ایدجکفی دان اثبات ایدر ایسه حبس اولنور دیو محرر اولان یکر می سکرنجی ماده سنک شمدی یه قدر تطبیقی کورلماشدر چونکه بر مدیونک فراری ماده سنک ثبوت مشکل و بلکه محالدر ذاتاً علمای حقوق نزدنده دین ایچون حبس کیفیتی پک چوق مباحثاتی مستلزم بر مسئله اولوب علمای حقوقدن بر قسمی دانک حق مدیونک حقوق مکتسبه سینه شامل حقوق طبیعی سینه غیر شاملدر دیرلر .

حریت دخی حقوق طبیعی جمله سندن بولندیغندن و دین ایسه جرمدن معدود اولدیغندن و پک چوق کره گرفتار دیون اولان ذواتک اسباب مجبره قارشونده بولنه رق دینلری تسویه و اعطادن عاجز بر حاله دوجار اوله بیله جکالرندن بحث و بو یولده اسباب موجب و مطالعات حکیمانه سرد و ایرادیه دین ایچون حبسی تجویز ایتازلر .

فی الواقع بو قول ارباب سنک مطالعات مسروده لری مصیب و محق کورینور

ایسهده بونک خلافتی تجویز ایدن طرفک مطالعه لریده پک ناجا دکدر دین ایچون حبس جائز دکل ایسهده صاحب ثروت و سامان اولان مدیونک میدانده بر مالی بولماز ایسهده کزلی نقودی و ثروتی بولنه بیلور . بونک ایچون بعض احوالده مدیونک ایضای دینه قدرتی اولدینی ثابت و متحقق اولدینی حالده حبس ایدملیدر دیرلر . بزم اجرا قانونمزه بو رأی قبول ایدرهک مدیونک ایضای دینه مقتدر اولدینی اوراق معتبره ایله اثبات اولدینی حالده طقسان بر کونی تجاوز ایتامک اوزره حبس اولنور . زمینده احکام درج اولمشدر . ۳۲ و ۳۵ نجی ماده لرهک ظاهر حالته نظراً تنظیم اوانه جق بو کبی اوراق معتبره بر کیسه نك هیچ بروقت اقتدارینی و ثروت سامانی تعین و تقدیره میزان اولماز . آز و چوق معاملات و حیات بشریه اوزرنده وقوف و تجربه کسب ایتش ذوات نزدنده معلوم و ظاهر اوله جنی اوزره مکلف و مطمئن بر صورتده امر ارحیات ایتمکه اولان بر کیسه نك مستغرق دیون اولدینی و بالعکس سفیلانه بر حالده کچینان بر کیسه نك ده بر خیلی نقود و ثروته مالک بولندینی هر بار کورلمش احوالندر یولنده مطالعات صاحبانه سی سرد و ایراد ایدن علمای حقوقک سربلندی معلم ذی اقتداریمز علی شهباز افندی مرحوم دخی بو قولک خلافتده بولنشلردر . حتی مشارالیه در سعادت تجارت اجرا مأموریتنده بولندقلری انشاده بر مدیون حبس مدتی اکمال ایدرهک چیققدنصکره دان ایله مدیون دارنده حاضر اولوب بشقه بر دیه جکی اولوب اولمدینی یولنده وقوع بولان سؤال اوزرینه دان مدیونک آرقه سی سیغیه یوب آرتق بزم آله جغه ز قلمدی کبی بر سوز سولمسی متعاقب مدیونک خر قه سنک حیقارتلمسی و تحریرات اجرائی و محراً طلب ایتش و تحریرات نتیجه سنده مدیونک خر قه سنک ایچنده دیکلی بشی بر یرده اوچوز در تیوز آلتون ظهور ایدرهک بو یاره دن تسویه دین ایتدیرلمش اولدینغی علی طریق الحکایه بیان بیوره شلردر . بناء علیه اساساً مدیون متعرد ایچون حبس تجویز ایدماز ایکن فراره تصدی ایده جک مدیونک حبسی هیچ بروقت جائز اوله میه جنی اولی بالطر یقدر . شو اسباب و مطالعات معروضیه مبنی سالف الذکر ماده نك تعدیلی لزومی درکاردر .

کمال مختار